

ladi (1); le maneghe dele veste strete quanto se pol, longe, tutte serade, da man uno revoltin fodrà di qualche zentil pelle. In testa algune porta certi veludi a modo de una bareta con coste et ghe picha dadrio zoso dele spale a modo de do bechi. E davanti do altri fodradi de qualche altra seda; li caveli non se vede, sicchè non so se le i habia biondi o altramente; algune altre porta certi veli che sta texi e sponde indrio ma non longi; algune altre se tira con uno fazuol sotto i caveli, e de sora i caveli se mette una bareta, la piu parte bianca, tonda, e bella e algune altre uno fazuol increspado sula testa, ma su foza alcuna non se vede li soi caveli; in pie le calze sono negre e scarpe da do suole de piu colori; nessuna non porta socholi che deli non se usa. Quando le va per strada se le incontra uno suo amicho i se tocha la man et se basa per mezo la bocha et va in qualche taverna a manzar con lui, e li soi non l' hanno per mal perchè cussi è la usanza. E sono de belletissime done e piacevole. Li homeni ben fati grandi e grassi vanno ben vestidi con veste increspade sule spale, si chiama zuboni, longi a mezza gamba, fodradi de piu sorte de pelle bellissime. In testa bareta con una foza over con do (2); caveli curti che par tutti a modo di nostri preti, taiadi li caveli sul fronte. In questo paexe nesun non fa pan in caxa ma tutti ogni matina va a tuorlo dal pistor e si tien una tessera, al presente è caro per amor della guerra... Scrive (che) il magnifico orator nostro spende assai perchè ogni zorno vien qualche signor a visitarlo et maxime adesso che si fa il Parlamento. Scrive, li suoli delle case la più parte è di tavole, suso per le finestre (qual sono tutte de legname) mettono dele erbe osmarin, salvia e altre. E sempre vento in quel paese e per gran caldo che sia, sempre se porta pelle e al presente non è sta ancora de li fredo, nè pioza, nè fanghi, e stadi non sono mai gran caldi, nè gran freddi... Scrive da Ognissanti comenzò il Parlamento zoè che tutti i signori del regno sono venuti e si fa il Parlamento al palazzo del re in uno loco dito Vasmonestier (Westminster) lontan de Londra manco

(1) Lati.

(2) Duo.